

Lüch up un fleu herut – Klootschießerlied (Veröffentlicht 1974 von Hannes Fleßner)

Moder, do mi den Pockholter her
un ok mien Flüchterkloot,
wi fragen nich na Wind und Wäär,
dat sit uns so in 't Blood.
Lüch up un fleu herut !
Hier up an un denn liekut !
Lüch up an un denn liekut !

Singt up 't Gröönland de kalte Frost,
denn hett 'erst richtig Art!
De Käklers un Mäklers, de hemm so 'n Dörst
un brengen uns in Fohrt !
Mennigeen deit 'n düchtigen Schööt
un word d 'rein bi düll -
Hauptsak, he kummt noch aver d 'Gööt
un hett 'n gooden Trüll !

Moder, do mi den Pockholter her
un ok mien Flüchterkloot,
wi fragen nich na Wind und Wäär,
dat sit uns so in 't Blood.
Lüch up un fleu herut !
Hier up an un denn liekut !
Lüch up an un denn liekut !

'n richtigen Frees hett 'n Kloot vör 'd Döör,
un wenn ut Isder is,
man bäter is Holt mit wat Lot d 'rdör,
knap 'n Pund, dat is wiß.
Ok bi 't Boßeln in 'd Sömmertied,
wenn d 'Rogg un Hocken steiht,
weet wi, dat uns Freesenspill
sienoit nich unnergeiht !

Moder, do mi den Pockholter her
un ok mien Flüchterkloot,
wi fragen nich na Wind und Wäär,
dat sit uns so in 't Blood.
Lüch up un fleu herut !
Hier up an un denn liekut !
Lüch up an un denn liekut